



楚國文憲公雪樓程先生文集卷第二十七

奉直大夫秘書監著作郎男大本 輯錄

翰侍講李東秦大夫新譜簡僧高經筆門生揭傒斯校正

詩

徐君允諧以長篇將荔枝為賦草草一絕奉謝風雨

作秋西齋兀坐細讀來章念不可不報遂又次韻

荔支樓下綉衣譜授託傳來却到予得見伊家玉樹種絕勝

展翫樂天圖

何人日啖三百顆輕卸霓裳見王妃自得君詩冰雪味不知

世上有甘肥

我行炎方見子都粟肌齧面身檄株中藏至美不自露風姿

皎皎隱燬爐土人謂此玉樹貴兵間幸不供樵蘇李生五品

竟汝遺太冲竊取夸全吳不材散木神所扶有果可食終剥

層君不見深山毛羣絢文彩織毳寧免充繡能大枝小枝折
泄餘空留碧葉冬不枯塩蒸蜜漬意可遠盛之寒露清水壺
朝朝豈語草野味猥以櫻實當醞醑蜀珍曾被真妃汗此事
頗近甯子愚東閩猶是山澤臞遠道里懸中區倘經薦進
亦尔耳始信禍福相乘除嶺南酸薄同黔驢香山只作巴峽
圖莫嗤齊人識管晏知已賴有東家謨殊鄉殊嗜多受誣朔
南酪茗更相奴詭名好化赤松子甘液下注根豐腴

漳境向治流逋四歸弘道有詩次韻志喜

按臨建邵於稱賢又復深入瘴烟自古清名能化暴及今
赤子得安眠如雲冠盖誰曾識帶雨犁鋤尔自田從此海嶼
霑 聖化吾曹道賁樂餘年

寄賀弘道僉事改除江西

聖明初服選掄新易地觀風着此人會見西江民吐氣久聞

南嶠政如神只今寮案情何極惠我鄉邦事亦均說与山中
吳勳士清時錫汝保閒身

畏獨惠中秋詩次韻邀月共發一舉

萬里陰晴此夜秋天容竟日故幽々要教好月特然霽暫遣
癡雲疑不收隱々清光上東海堂々勝賞賽南樓作詩合共
閩人翫早放髯割出一頭

夜深邀月不至悵然而睡再讀來詩次韻以謝

天上人間各自秋姮娥不管下方幽暗陳瓜果充籩實冷聽
梧桐觸井以已至三更仍抹漆空餘逸興欲登樓夢中桂影
成金粟癡絕前身願虎頭

暇日偕行臺唐古寺御史登九仙山

整停駘馬共尋幽倚杖驚龍峯頂上頭海淨潮平万里眼風光
月霽一天秋九仙定有重來約三島寧無可去舟古字苔深

帝錫盱城保障哉朱轡皂蓋浼雄才濟南書許人間見博望
槎從天上来聞道門庭清似水不愁田里冷於灰同寅太守
今劉寵努力驅車共輓推

送蘭与盱守劉東厓

結綬年時白玉京只今江海若為情蕭蕭六轡馳荒徼赫赫
双旌擁大城桑梓何時容我住蕙蘭微意况君清黃金橫帶
渾餘事千載相期不朽名

郭梅西息齋

陰向秀夔測陽從小雪看千年啓龜螯六月養鵬搏隱几天
機熟閉門人境寬悠悠八十返靜處得奇觀

題趙仲遠所藏趙大年鵝鴨圖

鵝鴨池邊畫作蘭翰他鳥鴈意幽閒王孫一筆厭羈束移在
長汀短渚間

題仲經知事家藏錢舜舉折枝

花鳥徐黃死不傳筆端那得許清妍錢郎狡獪老猶在字畫
翻騰作少年

題採蓮舟杯

攀翻葉上露釀作杯中酒可能君不醉負此摻之手

題仲經所藏馬圖

食之三品芻豆飾以千金纏環誰能解弃微縷縱渠汧渭中間
題仲經家江貫道瀟湘八景圖八首

平沙落鴈

翻々數行下灘磧俯蒼波此處稻梁好人間矰繳多

烟寺晚鍾

僧定鐘聲緩依稀聽不真渡頭風正急喚醒未歸人

洞庭秋月

半明滅新詩聊復記曾遊

送弘道僉事之官江西

趙侯丰骨冰千層入眼壁立清且焚烏府當年小盛却崇臺
獵寒颼生清問顛崖辛苦急我亦直指江南行雲龍上下
逐東野譚論感激令人驚別來不作揚州夢獨想采角搖風
聲浮雲聚散抑何定王事靡盬無留停去年驅車下閩嶠駘
馬却在西南垞關山明月長耿遠欲見之悵未能近來傾
倒連床夜議論頗覺深逃形書囊無底談未了一札又促飛
鴻冥江山共恨留不住私喜桑梓蔭餘清萱近北堂春日榮
白雲望之双眼所我家有老且望八倘許錫類遺君羹霜風
飄榕葉鳴酒錢江頭須痛傾願言努力鋤荆棘浩歌天保
谷升平

次劉雲卿御史同達達御史遊鼓山詩韻并序

劣則峯距城二十里而近欲一往未能也去歲禮部王
君寅夫獨遊辱寄詩盛談雲夢之樂僕亦想像高唐以
對今弘毅雲卿二御史暇日登高覽勝紀之於叙寫之
於詩使人心曠神馳恨不並轡橫翔排埃壒而出塵廓
也率尔用韻

登臨有約墮鴻真拄笏看雲空復情笑我北山文久勒輸君
南岳記先成林深谷窈窕車聲轉海闊天高筆興生何日得將
塵俗耳倚闌同聽澗泉鳴

再次韻呈弘毅御史

駘馬行々出杳冥笑携僚屬叙幽情陰森竹樹芟夷去軒豁
江山指顧成坐石傳杯懸瀑澣倚崑扶杖亂雲生何時共卧
超凡閣月滿空林翠浪鳴

寄賀時江張監郡初上

帝錫旰城保障哉朱轡皂蓋浼雄才濟南書許人間見博望
槎從天上来聞道門庭清似水不愁田里冷於灰同寅太守
今劉寵努力驅車共輓推

送蘭与盱守劉東厓

結綬年時白玉京只今江海若為情蕭蕭六轡馳荒徼赫赫
双旌擁大城乘梓何時容我住蕙蘭微意况君清黃金橫帶
渾餘事千載相期不朽名

郭梅西息齋

陰向秀夔測陽從小雪看千年啓龜螯六月養鵬搏隱几天
機熟閉門人境寬悠悠八十返靜處得奇觀

題趙仲遠所藏趙大年鵝鴨圖

鵝鴨池邊畫作蘭輸他鳧雁意幽閒王孫下筆厭羈束移在
長汀短渚間

題仲經知事家藏錢舜舉折枝

花鳥徐黃死不傳筆端那得許清妍錢郎狡獪老猶在字畫
翻騰作少年

題採蓮舟杯

攀翻葉上露釀作杯中酒可能君不醉負此撻之手

題仲經所藏馬圖

食之三品芻豆飾以千金纏環誰能解弃微纆絙渠汧渭中間

題仲經家江貫道瀟湘八景圖八首

平沙落鴈

翩々數行下灘磧俯蒼波此處稻梁好人間贈繳多

烟寺晚鍾

僧定鍾聲緩依稀聽不真渡頭風正急喚醒未歸人

洞庭秋月

萬頃玻璃上輝々玉一環望中青似粟約莫是君山

瀟湘夜雨

昏々風浪裏瑟瑟打篷聲騷客千年恨靈妃萬古情

漁村夕照

落日寒潭靜西風黃葉鳴鱸魚新出網分我一杯羹

山市晴嵐

旗亭新酒熟下馬試從容頗勝老兵對夕陽三兩峯

江天暮雪

六月三山底城中似甌中客來開短軸亂雪舞江風

遠浦帆歸

八景瀟湘妙歸舟更色綠招々頗小任我賦式微詩

題歸去來圖

春清苦旱心如醉暑雨妨農鬢欲斑眼底家山歸去好吾生

端的幾時閑

送李副使赴行臺治書侍御史

暑風散霖壑宇宙一清快青駘金盤陀夙駕趣行邁先聲所

震薄已被江浙外兩年七閩裏赤手理彫瘵高明副續密通

綽主剛介清時簡賢哲美績先奏最崇臺借君重橫榻政非

泰蹇余忝嘗僚朝夕得箴誨瞠其塵坱中矯首飛霞佩男兒

附青雲肯撥鼠壤噉浮榮一瞬息醜好有千載期君天下寶

玉雪善自愛

魏知事求樂閒字謾與一絕

人人忙裏羨人閒到得閒時樂最難會着此心真樂處山林

朝市一般看

九日宿璜坑

重陽天借登臨便北上岡巒步々高馳傳觀風忘路險無功

及物愧民勞山深氣象涵千古風靜塵埃絕一毫更菊
無覓處明年何許約遊遨

十日山行午炊沖頭

上山竹輿下山行據鞍穩坐須路平豈惟人力欲調適馬有
肺腑亦求生閩山叢石壁立一嶺未了一嶺迎峯回路轉
蹊徑小上如登天下如傾隙中梯齒度田畝亦有流水澌
鳴老農終歲營一飽大熟會合論收成我來行縣當九月風
高雲朗氣適清平生心地一平直見此巖險魂爲驚僕痛馬
瘡亦良苦未必原隰周隱情箋天夜半借霹靂盡削磊砢除
縱橫皇大道坦然共四通八達朝瑤京

十一日活禽登舟十絕

天開圖畫作步障連日山行已大奇換得漁舟更奇絕大年
小景少游詩

崎嶇複嶺到江津倒卧舟中靜閱人山上升人昨日我我思
昨日始傷神

瀕頭流水綠如油急取春芽試一甌揚子江心堪伯仲茶經
從此合重修

頽厭山蹊百險艱輕舸整借一隅安灘頭力盡不得上行路
人間是處難

江清照見石粼粼貌得遊魚態度真說與長年輕蕩槳放他
深處着潛鱗

上頭石壁下驚湍一似龍蟠一虎耽幽獨莫教方士見山靈
怕喚小仙品石壁

一帶類龍虎仙品

重陽落在萬山中
香不逢天恐詩人要題目江邊
木末出芙蓉

山容彷彿似盱江亦有人家占夕陽陸走舟行方未了晨浪

何日奉高堂

棄田滄海兩茫茫 一道清流自久長 定有幽人在空谷 說

說佛說文章

說仙說佛說文章 自是山林不耐閒 試數聖賢名世者 話頭那有許多般

又五言一首

斷崖刀裁出清湍 磬折流山尖微見 樹石罅劣容舟羣 鷺鷥人起双鳥盡 意浮哦詩忘行色 征騎又江頭

板橋午餐

縣郭二十里板橋 三五家西風熟未黍 陸地富來麻去歲遭洪水高林帶舊槎 他鄉豈不好無柰此生涯

十里頭

夾道驢迎盡古松 龍吟虎嘯滿天風 吟詩未就人攔馬 落向

荒烟莽莽中

次郭珙留遠大卿韻二首

鏤彩鉛光幾成寒 深叢依舊炳班班 心如止水絕點滓 屋宇開雲分半間 蹤跡久疏客城府 篇章聊復主溪山 後生不識龍鍾老少日 聲名播九寰

閱人多似學中山 客有可人千二難 驚見貞元朝士在 敢同絳縣老人看 珠藏大澤祇自媚 木卧空山不受寒 朱墨沉埋無好語 和篇首出衷肝

次韻王蘭思

月露精神入筆端 冷然雅韻洗髦蠻 知章清味鑑湖水 弘景高標句曲山 炊黍功名隨舊夢 種蘭歲月自蒼顏 何時乞得身無事 分取閒雲一半閒

百蝶圖

政尔翩去其如栩栩何夢中千億化未覺百身多

張萱唐官搢練圖

月杵輕揮快似飛霜紈熨帖淨輝詩人不識畫師意微諫
周南澣濯衣

書月樓

長年南北事馳驅閒却西樓架上書削迹市朝專靜退羨君
事業付乘除神光清夜照千古素魄中秋朗太虛我欲借眠
還肯否靈明回向此心初

次韻張仲豪御史見寄

荔支熟後與君違羅髻猩紅又及期官冗不知為客倦詩豪
猶足起吾衰田園豐生歸興江海悠感舊知千里相思
無以贈明時行道復奚疑

答王魯山

江海交游白髮新眼明猶及識斯人縉雲氏接三皇舊見縹緲
山藏萬古春舉世誰能客毛遂高風今始見元賓秋光未老
黃花健把酒相期万里身

答張仲豪御史

山川相望風烟隔寒夜時夢見君焜燿綉衣浮紫氣崢嶸
椽筆倚青雲月隨淮水明千里春減江城凍幾分老我三年
閩粵國無才何以稱斯

韓孔惠孝廉挽詞

杜門三十載辟世抑何嚴身隱一時屈民彝萬古瞻徵君宋
康節處士晉陶潛題墓真無愧三山韓孝廉

寄題李松管效忠堂

共惟湯武師仗義行以仁阿衡相鳴條尚父翼盟津聲纒
一鼓六合皆陽春後來用武者草菅視其民功成荷圭爵乃

骨隋荒燐懷哉平江南時有臣如彬焚香對士卒誓不戮一
人至今青史上厚德誰與鄰 天朝大一統皇靈被無垠桓
桓伯顏八集賊兵如神舟揚有澄波矢落無驚塵策勳談笑
間視彬亦其倫誰欬贊籌幄季侯兩經綸拔釐起襄樊一掃
雲雷此論功冠戎幙蚤合登要津胡然二千載尚尔朱兩輪
碾如一寸忠寢飯常書紳為堂識不忘巨扁高嶙峋亦來又
迂轡三載建水濱清譽播海最聲徹嚴宸我聞忠之報豈止
在一身斯堂貽子孫千古長如新高門轟轟霄漢華屋如魚鱗
金珠醉夢中歌舞紛前陳誰持片曝心倦倦到君親感茲名
堂意肝膽增輪困窮為賦畝士達作廊廟臣功名倘來耳命
義當自珍我語如可采庶幾附堅珉

次韻張仲豪御史

世途九事八欺謾安得春風處 懼人獲銓衡字物論我知

玉雪在堂端心游肯繁暑牛易眼著纓黃相馬難紙尾不為
干木署要留選格与人看味以蔡鄭為吏部尚書鄭得亮
選事悉以見付不然不能辨也

為曹仲堅題漁父圖

風烟浩渺浪拍天百帆齊開爭一先輕舸蕩漾自來去詩人
魚賞古漁父山園別浦樹參差水淨沙明人迹稀大罾小罟
較得失魴鱖暗作枯魚泣直針為釣餌亦無烟波不見真釣
徒林中茅屋是誰子袖手無言方隱几

李憲甫敦好堂

如許聲華重情知計未能臨池思靖節愛石護平泉此事凌
千古斯文繫數椽相逢敦敦友好心誦大夫賢

書郭將軍墓銘後

不用汾陽拜將軍閱世深虎頭當日相馬革老年心領自囊

間出詩留槩外吟能文欣有子安得過山林

送余率翁秩滿謁選并寄容齋承旨肯堂季士

江南四月梅子黃衣袖已試荷風香出門有客欲万里使我
憶得西山蒼西山何處雲手髮夜深斗極回寒止磴泉自紅
澗自碧樓倚白雪歌滄浪容齋遂慵兩相好劍氣耿々龍騰
駿我曾握手極千古逢之滿腹生琳琅曉天一笑江水長燕
鳴岸雨催牙樯

別余琅山教授

憶昔京華別誰知碧澗來一杯春事老兩度冷官回喜色迎
椿樹明時仗杞材可能瓜熟巧探袖照蓬萊

皮克齋挽詞

宦籍公侯貴鄉評齒德尊卷舒民寄命生死客填門美譽空
遐想遺文欠細論傳家詩禮在騰履意感闡孫

送黃友章過南浦并寄蕭許二提舉

咫尺朱簾外梅黃正釀酸谷雲双井濕江月一天寒懸榻留
徐輝開帆借子安斯文有宗主慎勿歎儒冠

上官秋旦挽詞一首

妙年植門戶壯志就功名汲々尊倫紀諄々似老成文功同
武事茂寶發英聲太息天何遠摧殘到紫荆

黃金臺畔路文彩憶鶴鴛大雅淡無語諸公爭欲官可憐蒼
黛色不及雪霜寒賴有新詩在江湖興未闌

題趙雲趣梅圖

燭龍一步九徘徊便恐昆明燄作灰避熱雪稜無去處天留
半樹補之梅

題傅雨岩所藏蕭臺二賢與雞山賡和墨跡

蕭臺一妙競當年下筆曾期百世傳不是傅家數世好只今

誰与拾遺編

題傅雨岩所藏劉龍洲与牧菴賡和墨跡

四海龍洲客三生杜牧之篇章唐大曆人物宋淳熙雅道還
諸老風流自一奇雨岩寶遺墨先友百年思

黃有山挽詞

江右多文獻夫君獨堅量一官相始末十載了存亡夜月聞
閔黑秋風叶樹黃有見終大事百世此桐鄉

曾寄窻千戶挽詞

家有元豐稟逢時又六韜水鳥從霧潦鞍馬尚風騷王府奇
斯士皇恩選尔勞中營妖石隕新塚敢余高

次韻王楚山見寄一首

歲寒特立憶長松陡覺龍蛇落眼中李問青箱傳嫡派詞華
三雪尚鄉風田園到底還元亮城府曾先識德公矯首詩筒

頻餉我草書元不碍匆々

江山信美重登樓歲々年年客裏留遠景記成懷蜀里孤雲
望斷感邠州白鷗江上天連水黃鶴磯頭月滿洲歷々楚山
青不老幾時握手話曾遊

送黃隆吉司獄

兩辭有生死司獄定初情慎勿卑官職徒然記姓名如君自
良吏佐邑著能聲章貢修何行行看獄市平

送嚴春山

不見春山無釣磯要將喜色動慈闈一官豈為蘇洵乞百里
忻同季路歸椒酒儘堪為壽獻梅簷趁得未花飛斯文衡鑑
明公在千仞岡頭試振衣

陳中方挽詞

秋風蟻戰万人看回首真成半夢間博得風流歸泮水枉將

文物起賢閔青衫
縵着陵迂谷紫紉
重來自溥山阡送南陽
家咫尺梅花寒絕淚潛

鴈塔李君推草廬記來索詩戲題二絕

看了除書損道心
浮屠何事着虛名
華山處士多閑管
記得麻衣三字評

君來喚醒少年狂
淡墨春風鴈幾行
塔頂夜寒尋近尚堪
為我說文昌

曾勤節惠梅二首

任他桃李滿人間
千載心期托歲寒
儘有江頭佳實在
不妨身作老龍蟠
癯仙歡舞送春來
醉我新篇白玉醅
索笑花前誰與共
一尊合為主人開

趙安宇惠梅二首

何必園林欲雪天
問渠交友已忘年
尊前一笑成珠玉
知是詩仙是酒仙
誰遣飛虹下九天
人間小却住千年
祇應標格孤山似
肯與移來配水仙

曾勤節挽詞

愁絕寒蓬對此君
尚疑月夜有歸魂
昔為采夢裏常平粟
晚節香中獨樂園
養志從來誇有子
問安誰復辨諸孫
千年馬鬣知何許
不盡春風淚一樽

題靖夫弟畫屏折枝十二首

紫牡丹

豪貴說長安
爭先紫牡丹
我無池館地
畫與子孫看

梨花

神清體約
雲淡月朦朧
道是玉環似
輸渠林下風

雞冠

瑞雲歌
續祇欠一聲啼獨立西風裏由人喚木雞

月柱

本是堯裳奕翻為月月紅殷勤頗好手移向玉除東

碧桃

紺髮綠毛冠瓊裾縹碧衫人間無處着除是補陀岩

黃蜀葵

玉杯蒸栗色那得許精神稽首且益相天然妙色身

櫻桃

雨洗紅珠重香浮乳酪寒筠籃風味在消得赤瑛盤

來禽

翡翠圓成彈脂與點腮園丁休盡採怕有眾禽來

梨子

滿面黃金粟盈科白玉將水可能燒二顆口腹累君王

石榴

朱房含玉醴玳殼錯金鈿不枉煩持節崎嶇十八年

木瓜

珍重宣城貢瓊瑤直得詩霜餘風韻在細字寫臙脂

枇杷

翠葆擎珠琲金丸貯蔗漿雪中記高樹花發傲羣芳

跋段立夫詩卷并序

予初識段君立夫於南臺持憲嶺南甚有聲予使閩嶠
不相聞五六載矣周之則曰寓武昌也自閩還旣君適
來佐旴部以一道清澄之才行千里牧養之政一府之
視聽為之新予寓於是而官於是者得見如斯人焉如
之何不喜暇時輒相從意謂可以忘老也而予又被

命有湖右之役君舉酒為別且出示武昌一時名人送
行詩卷李士姚公端夫叙實居其首予行匆匆不能悉
已然君之不羈亭戚不待端夫言而後知之也方今
聖君賢相在上用人當其才如君英之豈久沉郡僚
底哉將欲為旰民借君一年恐不可得繫三詩于卷末
以識別後之思云

君從武昌來我又武昌去南樓秋月高夜望旰母
君如霜後鵲禁此轅下駒借留亦我意匪朝有除書

題萬媪九十八歲記類

康強九十八歲壽四子一女俱羣耆身見曾玄共五世一門
二十四男兒阿誰積此善者慶萬母鄭姓家青綬此誠希有
合旌異有未省錄徵吾詩

送白敬父赴江西理問

斯人官此孰能知江漢天成一段奇南國樹能思召伯西風
塵豈為元規相看未穩渾疑夢一笑無何又別離好沂澄江
吾所欲思君還讀寓齋詩

題張知事所藏王黃華墨行姚雪齋詩卷二首

黃華不見見琅玕蒼雪紛紛六月寒盡日搖毫楸不就若為
持与墨君看

軒髯猶記雪齋老筆法詩情兩入微莫怪再三開卷軸近來
看舊眼中稀

送蕭深可尹叙浦就呈分司郭西林姦事

荒服今州縣提封古子男瀟溪清愛在叙浦去程諳尚續台
鶴八何妨令尹三林宗方問俗氣象故渾函

題雪寺歸僧圖

石頭元路滑更着雪皚皚不敢辭辛苦諸方應供來

奉饒 李舟老先生之武陵

疾風吹雲不裂南紀酣三日雪辰陽冷椽故不冷破腐
棕鞵來作別先生自是我輩人錦袍丹絳曾青春黃金築臺
不肯上水晶宮中一角麟一朝忽著儒冠起泛宅浮家五千
里繫船花岸茹蒸霞為長鼻比說詩禮仲尼未始三年淹我
亦鳴榔下湘水蕭雲曹志上所知銓量當遣教五溪先生行
止無不可瓜期况尔來遲之問君此行何所之武陵思我還
當歸是問少長致足樂采花食實新桃枝落日天低洞庭野
木葉蕭蕭風上下留君小住君掉頭前有十將先饋者蒼
烟水解迷人草倚川原物色新漢家會有蒲輪使珍重脩程
穩致身

燕五峯右丞用安揔管雪詩韻見始次韻二首

開門鷺羽舞僊之時序崢嶸又一年万象好看俱幻處兩儀

潭似未分先插空粉筆誰供畫散路銀盃不直錢孤索只今
難道亦長兮俊鶻快三田

五老峯頭不老仙詩來喜雪兆明年閒吟公自如忠獻懶讀
吾方似孝先杯酒贖思澆磊砢街泥猶惜賤連錢斯時雅稱
官居冷帽擬僧伽衣稻田

燕五峯詩附

比見諸名勝所賡安侯雪詩病中偶成兩章錄呈

一笑

疑是瑤樓上界仙散花布地又年年玉龍松老猶擎重翠
羽梅寒敢占先甲冑成邊思挾曠貂裘換酒不論錢舊家
風味都休說預喜豐年賦大田

銀潢剪水出天仙此瑞今無二十年南紀歡騰三百後北
枝春遜六花先此時沙漠應如席曩日京都屢賜錢臣子

願豐無補報負丞祗恐愧藍田

再用韻敬謝佳句之辱

凡花頃刻未為仙天上
瑤花占大年鏡斷黃精
麟我老詩成白戰覺君先
吟窓祗想銀河瀑凍屋空
驚玉蝶錢稽首君恩同一飽
明年我亦賦歸田

高寒駝馬自神仙擊
風標是盛年梁苑賦成驚
歲晏到樓曲好占春先
燼灰我愧懶殘羊茶弗君
高陸羽錢忽憶西江携手去
漁簑江上看瓊田

次韻奉酬趙儀吉并東問嘉會陳孟實

雪洒溪藤卷復開
雙魚能為故人來
一官水國家千里三
谷山房夢幾回
安得清遊繼韓孟
嘉開白戰起
歐梅歲寒亭下春初折
試嚼君詩噉一不血

又題歲寒亭

吾廬不暇理且復理斯亭
風雨從渠破雲山送我青
蒼龍子歲賀黃鶴九霄翎
相與成三友十年聚德星

題廖克讓所藏喜酸圖啄木畫卷二首

甕天從地集駢首欲何為
倘使真知味應無浪皺眉
山禽啄木響野客抱琴看
我有芳春調無人為一彈

送禮部侍郎喬元朗使安南

一士賢於万甲兵
文星兩之使星明
林箐北户迎霜雪
江漢西風送旆旌
道路只今如咫尺
男兒從此見生平
經行騰看奚囊貯
更恐驩州有貢英

寄關子靜唐靜卿二翰長

故人天上近何如
白玉堂中足寶書
燭徹宮蓮三鼓後
露溥仙掌九秋初
江湖政共丹心老
魚鴈全如綠髮疎
西北闌干天咫尺
欲乘黃鶴却躊躇

因羅冲夫行寄廬魯山二首

夢裏西江潑眼青
隔林遙見綉衣明
覺來得句無人寄
恰有

新秋鴈一聲

兩鬢清秋半
席風歸裝無物有
詩窮南樓那似
西山好十二

珠簾捲雨中

確齋侍御見寄方鏡新篇奉和二首

老我平生坐惡園
又因秦鏡得新篇
一方明月恰如此
幾箇磨磚竟炯然
不必虫魚銘表裏
定無麈尾鑑媿妍
憑君穩着高臺上
為助清光照大千
挂壁從教鬼魅驚
謾隨書劍又江城
神光內照初無用
仙藥重磨漫有情
此日容顏誰老大
向來肝膽自分明
蕭々万象秋經眼
安得同看更細傾

與郭西林并序

家有小犀帶一相傳寶晉齋故物得之有自宜不妄也
敬歸之西林主人共暇玩之萬一雖元章或不足擬也
美而是物迂徙去來每不失所托政可為此帶賀乃詩
以送之

書畫船中物
文犀獨未銷
通天從過眼
碎惡目圍腰
充物今何幸
伊人故自超
願君勤結束
早晚立清朝

次韻寄謝譚梅屋四首

盡目馳驅尚自強
得詩題案復題牆
梅花正繞深々屋
不記鹿官薛許昌

寒溪對月影成三
千里相思北斗南
石臼窠尊無限意
譚君殊憶共君譚

平生吾亦愛吾廬
松桂成行蔽芾初
料得山中人笑我
豈無熊掌去冰魚

洞簫聽漏韻能和少為諸君更倚歌頌信新詩如白髮一番
離別一番多

次韻寄謝郭梅心三首

劬農

摩壘誰如此敵強平生屈賈為君忙已尊詩律今功父更識
交情古子洪

甘棠池上

羊角峯前水墨池歲寒心事幾南枝可憐獨見茶藤面又值
春醒未解時

社日

詩課無聊謾日供不如初震群羣聾武昌樊口春寒夜夢嚼
梅邊雪片鬆

未陽譚子實出少陵祠古今題詠求詩就題其後

金粟無人醉夕陽來江行客莫極裝風騷何与乾坤事山水

長涵姓字香蘭曉大天空浦淑錦官丞相有祠堂遙知一一

忠魂在來往乘雲共帝鄉

用從周李士韻奉題竹岡二首

淡墨畫看帶路塵去年今日正行春不知誰有千竿玉我欲
林中着此身

江湖滿眼嘆殊鄉寒碧沉々華子岡輸与威寧吳尹此君

長伴兩相忘

錢詹御史

相知不在早所貴得此心馳驅三十年見此玉樹林蒼々古

顏色蔽芾喬木陰豈无雪与霜獨覺春意深懸知棟梁具不

受寒暑侵高枝有逸響聊以驚凡禽誰云鶴首多正直神所

欽清風為我彈明月為我斟非酒味已長無絃浩知音我欲

驚一歡回首千雲空願共千歲期昂霄政駭

寄尚參政

黃鶴山前舊使星十年今在秦階明西江紫氣南樓夜長凭
關千到五更

江天暮景圖

昏鴉零亂掩荆扉烟樹微汀水四圍我願卜鄰還要否門前
恰有釣魚磯

題段郁文所藏錢舜舉畫一首

梨花

一枝寒食雨落紙不沾濡他日成秋實豈能寄我無

白菊

黃中雖正色潔白見芳心折得無人把何如晚遲深

楚國文憲公雪樓程先生文集卷第二十七

楚國文憲公雪樓程先生文集卷第二十八

奉直大夫秘書監著作郎男大本輯錄

翰林侍講學士中奉直知制誥尚書同知經筵事門下諸侯斯校正

詩

次韻廣西王景韓憲僉見寄

江漢飄零一夢初少年心事了無餘双鳧乘鴈妨賢路五柳
孤松憶弊廬黃鶴樓前塵隔扇碧蓮峯下雨隨車新詩乍見
如公面有使頻將慰索居

次韻郭西楚見寄二首

我本山中一倦民出山猶幸挹真醇何妨共結雞豚社闢取
樽前見在身

自別君來肺欲塵清泉那得取諸鄰夜來夢與山靈語華子
岡頭見異人

次韻盧疎齋就以贈別二首

百川晝夜流萬折不能止羣山勢崩奔終古乃在此人生費
推輓三嘆中夜起瀟湘有佳人朗月鑑秋水思之不可見
若隔千祀相逢在歲晏使我寢食美又言當遠別東去數千
里何由小躊躇招之彼舟子
芥石琥珀針不言自相得留君我無辭送君我無力願君加
飡飯努力崇明德江空餘深寒出入慎扶翼梅花照清頰夢
寐耿玉色矯首東南雲金門幸回憶

寄王寬夫侍御

墨池曾別右軍來回首何時笑口開昨夜東風吹好夢故人
今上鳳凰臺

寄趙子敬治書二首

父老猶能記福星煌煌今在太微庭五年江漢烟生土惟有

村棠一樹青

南北參辰十五年狂奴狂態故依然何時握手平生事夜

南樓月滿天

寄潘景梁都事二首

渺々美人天一方思如江漢不勝長東風喚起三山夢月滿
庭花幾樹香

憔悴江湖見在身十年前事只清塵鳳凰臺上闌干曲應念
天涯有故人

觀空軒

焚蘭登上方倚策得幽觀塵心一昭曠風篠正凌亂道人欲
觀空花臺對香案融々雨初潤靡々春將半未詳姚与魏穀
葉珊瑚幹豈無豪貴惜亦有子孫看風光本何有可愛不可
玩殷勤道人心邀我揭柔翰故知非佛事聊用標讚嘆無根

優鉢曇過眼河沙弄書成小窺蔭紛々現霄漢

舜舉書棠梨練雀

霜暈棠梨臉風梳練雀翎含毫心欲醉開卷眼還醒

送孟子周御史

翰林逼華蓋李士如堵墻我昔從東來白鷗入鵝行又如彼
棲苴稊米於太倉無補舜裳衣幸識堯文章孟氏古作者周
鄒漢平昌當時梧竹間寫鵠今高翔瞻前忽在後復若揚批
糠相知始相識此樂殊未央非無酒與肴三嗅不肯嘗英韶
發孤奏二拍失老蒼何以傲歲寒篋笥留耿光何以慰別懷
願保濟遠航

送劉欽夫御史

乘駘万里行光華動南極江漢及早春草木皆喜色欽夫吾
所欲握手如舊識詩書與禮樂談笑出珪壁寒亭列山尊我

欲勞遠客再四招不來威鳳方覽德使我心慙而無以見双
析忽辭黃鶴磯而返烏衣宅瞻言在中河杳々浪花白天空
雲水闊欲送無羽翼輕舟行順流頗以戒潮汐努力重明時
壽身壽家國

周耐軒松管挽詞

總角誇神秀然童見達尊双旌傳宦季千里賴生存馬鬣山
扉夜厓眉總帳昏歲寒留袂齒凄斷不堪論

鄧中齋挽詞

中齋吾所敬一別幾飛螢粟里藏名字歐鄉有典刑龍蛇那
起起鴻鴈已冥冥淚眼河汾迷猶占處士星

送劉仲誠歸潯陽

不見匡山父高人得飽看遺民甘入社中允竟辭官南極光
芒逼東風紫翠寒君歸煩問訊五老道平安

寄郭西林畫僉一首

風淨看花陌上塵遙知露冕正行春
麻姑定向方平語二十
年來第一人
投林心似後棲鴉黃鶴留連老歲華
千里家山棠蔭好春風
何日岸烏紗

送尹生歸江西

江漢秋深雁過稀
歸思夢先知
輸君去住無多事
願我
留行待幾時
野岸曉光千棹急
平湖寒影數峯欹
拍肩試問
洪厓說倘有黃花覓一枝

家山飛雲圖

吳雲楚客兩羈孤
我亦先人有敝廬
風雪江湖歸路遠
不知
誰為寫成圖

次韻程文卿并柬憲府諸公

歲晚江湖一舸歸
故人水驛寄新詩
風霜空鬢非前日
冰雪
梅花似舊時
聞嶠十年常在望
西山千里重相思
喜逢官府
清平日林下從今生有涯

寄陳止善續使

王春煦萬宇八使來
宣昭使君古德星
所至聞震動
憶經沙
羨陌弭節睠久要
相望江北南
鄙吝一日消
漢江鴨頭綠
奉
以磊隗澆驪駒
曲未終渺然但清飈
匡山綵雲起
綉衣已當
霄迢迢
江闔際往往山岳搖
豈意桑梓間
猶得親華鑣
衡門
劣容車聊以永今朝
至今警欬留使我
神思超瞻言既匪易
既見終成遙遙知
按行處氣壓滄海潮
縑繆有晉石水底字
未銷山靈知
素約寤寐苦
况招使君幸踐之
毋謂方乘輅

次韻王山仲見貽

清退菴中老風流
昔所親江雲猶薄暮
宰木早先春
文采傳

家信詩章發興新朝宗秋水在去、自知津

次韻王子炎見貽

每逢佳句百憂寬頗覺鷗盟尚未寒傳語烏衣兩公子頻抄
新作寄人看

西湖小景

一片無情水笙歌日日春至今圖畫裏輸與眼明人

送南豐曾敬齋李正歸省

芹藻香中識歲華滿懷霜橘苦思家來時賸載螺江酒要及
枝南第一花

畫牛

敲棘春來苦羣兒未必知良工如有意好寫駕犁時

張山泉自愚莊來往仙岩

曾宿喬林絕壑遠月明終夜聽山泉官商斷續初無譜欲問

張君借五絃

甲辰秋三谷山房落成次人韻二首

隨牒年年東復西歸來結屋傍叢祠詩書何地不千載山水
於人有宿期傳後莫忘初葉祖落成恰是菊花時君看石上
晉人字一一琳琅金薤垂

書是先人屋壁截牙籤重理鎮山房一爐香火見尊祖百世
兒孫尚肯堂著在名山期眾共向來遺愛豈民忘詩成難盡
意中事石磴蒼苔澗水長

送益清陳君

齒宿如何意更新黃花清露共精神絕憐康樂經行地還遇
淵明輩行人樓對夕紅誰拄笏澗涵秋碧整垂綸區區太史
占星聚不見高陽有後陳

次韻趙卿月見寄

林泉遺世味，幙府念平生。尺玉偏勞寄，雙魚不忍烹。有山隨
李廣，無酒飲公榮。戲問朱簾客，應知暮雨情。

用前韻送閻伯雍

期子銷殘臘，寒江水又生。宦途謀北運，客味厭南烹。草就金
門獻，先看玉樹榮。家公應問我，泉石正關情。

題畫屏折枝十二首

牡丹

天香銷卯酒，國色艷朝暾。無地堪池館，留看到子孫。

雞冠

旌節餘空樹，金錢失舊妍。蕭蕭風雨夕，獨立登貂蟬。

梨花

清香發妙質，皓齒映明眸。惆悵東園俗，移來白雪樓。

長春

生意春長在人間，自因時紅衿映肉色。消得簡齋詩。

黃葵

金梳傾初日，檀心點曉風。殷勤挹黃露，擬進建章宮。

碧桃

平地碧雲起，明璫冠翠蕤。種時和玉露，折處宴瑤池。

來禽

婀娜骨仍瘦，勻圓韻有餘。折來配青李，如對右軍書。

梨子

玉屑金華露，棠之紺色裹霜刀。為發部內熱，得真游。

枇杷

磊落黃金彈，梢頭萬顆饒。詩人如識面，未必賦椒聊。

木瓜

糝、金沙面宣城，出貢餘倘令。和鼎食，豈必愧瓊瑤。

櫻桃
百顆輸先獻圓疑火齊甘赤瑛盤裏好味不改筠籃

石榴

味囊碼碯裏玉醴水晶房三嚙華池潤仙家辟穀方

送章明叔

相看未足又相違鴻鵠東風接翅飛兩槩吳船人易遠一篙
春水鱖初肥驚心幾度經年別握手何時萬里歸早向斯文
收汗馬華岡南岸有漁磯

寄陸義齋憲使

關山不礙暗香來枝北枝南樹、開花外有人持漢節尋詩
應上越王臺

寄姚牧菴參政一首

黃鶴山頭楚觀鍾喚醒陳夢久從容歸來坐聽春林雨還憶

簾前翠方重

牛斗之間氣更明三台星裏見文星滕王閣上新碑刻處處
人家有素屏

陳氏山居書院前榜橋名道山

共說山居好烟霞幾許深架中書有種橋下水無心酒聚陳
樽客花留蔣詡吟宿春應可到吾亦憤登臨

補之畫梅

開卷見橫枝逃禪不可期忽思霜月夜獨坐小窓時

陳小庭求詩戲贈

羊角峯前擬岷臺竹林深處小庭開遙知日日吟詩苦損却
空堦幾寸苔

李生北行

白玉堂容四海黃金臺貯千年好去江南年少薰風一路朝天

麓石圖

雲根無處壓溪灣
方里携來只等閒
我有湘邊蒼玉筍
如何空寄夢魂間

送霍可與晉卿理問

素履詩書在明時
獄訟稀鶯花梁苑酒
金紫老萊衣
外省分天綽南河斤
帝畿平反須作意
回首是黃扉

劉敬之尚書挽詞

儒效通今古尚書獨邁倫
風沙臣節苦禮樂國容新
地隔龍泉夜庭留玉樹
春曲終無限思併憶舊平津

白无咎素軒

下基厚地上高天
飢即加餐困即眠
幾度詩成還闕筆
恐將文字澆天全

少陵春遊圖

杜陵野客正尋詩
花柳前頭思欲迷
一樣東風驢背穩
曲江何似浣花溪

喬達之畫江山秋晚圖三首

渡日西來正暮秋
買魚沽酒醉船頭
如今見畫渾疑夢
知是南湖第幾洲

千山木落鴈飛初
樵屋漁梁路有無
京國貴人真巨力
盡移生計入新圖

別來事可名家獨
我空添兩鬢華天際
有山歸未得遠峯
休着淡雲遮

寄題終南遇仙宮宮在甘泉之下漢陂之上

甘泉祠祀漢陂游
盛事曾傳古雍州
故國風雲逢聖世
化人宮殿倚高秋
神仙可學妨吾懶
詩句難成愧客留
聞道終南多捷徑
定應容易到崑丘

李氏奉親圖

高唐李家宜入史世、順孫并孝子今人創見古尋常養志
承顏政如此春風秋月花蒲川小車長耳相後先生綃二尺
粉墨具中有至樂無由宣坐中親賓歌拍手宇宙之間一尊
酒黃犬東門竟不歸青牛西去知存否何如我翁八十強紅
顏雪鬢雙電光醉歸不怕驢自穩有兒左右扶車箱長聞貞
觀開元際老大昇平飽嬉戲丹青不見見殘編好護新圖示
來世

鳳林李以翁教授父主簿公行實

場屋知何事丘園有宿儒一官聊慰藉萬竹自蕭疎玉樹春
回後黃花酒熟初典刑今益少五字當生芻

文明門外劉氏野香園二首

杜曲桑麻韋曲花青山遙共酒旗斜問時也欲尋時去長夏

門前第幾家

東風如海書難真沁水平泉遠近鄰却是野亭春最好題詩
題字有聞人

石上三生圖

圖畫其歌可
見然古今皆無人及之

巫峽三聲斷王城一夢回坐橫牛背穩不道故人來

雪騎圖

都城五月已炎歊咫尺西山迹漫遙何處只今如此雪煩君
小住我聯鑣

張子惠院判孝顯堂

日出北堂護草綠冷艷生香蔭華屋荆花七樹樹之高一一
種時如種玉主人今住天中央曉從西府朝明光歸來一曲
填荒合共羨張家孝顯堂

寄題吳氏晚香堂

樾山有高人，樵歸得秋菊。種之清溪岸，繞此白雲屋。華滋無
早，安所貴。受命獨朝來，濃露下芬芳。出岩谷，未知叢上金。何
似庭際玉，更欣管草長。色入眉鬢綠，松桂相與榮。黎粟况已
熟，東籬一尊酒。千載有餘馥，願保黃中姿。參差寄遐躡。

水雪相看堂

每過高堂意，颯然却疑身。近廣寒，遠雲霄。直上無多路，水雪
相看別一天。勁竹喬松心，有託方壺真。嶠畫難傳六街紅，透
炎官傘，借我風樞一榻眠。

次韻王寅夫尚書述懷

皇家盛制作，後進殊未諳。眷言廓齋老，有如車指南。高者秩
天秩，下以商周參。其惟建官百，挽矣錫命三。君懷秋雨霽，空
碧何怙怙。北南二千年，取世亦已廉。近聞鉅鹿下一騁，駕雨
驟復言。江漢民船尾，紛相銜。競迎新使君，使君裝已嚴。皆喜

遇好官，清介侔張堪。誰知歧望久，各抱空歸慙。華國賴典刑，
潤下資流謙。五字賢長城，何幸獲或擔。傳之寄千載，雅頌俱
滕緘。願言隆鼎彝，無窮在汗談。

解安卿惠紅藥嘉種

風翻花藥春，當培平生謝。眺繁吟懷我，還于京三百日。空廷
枉費東風來，人言秋半宜。求程公籟私園勞，僕從集賢解。君
解我心對面珍，豈肯移送狂香浩。熊根裏藏露珠葉，葉疑恩
光主人帝城東。畔住一花一木都，向陽知憐我屋偏。城北雪
早霜多禁不得，行行遠偏屋西東。旋為佳人覓佳宅，手提井
華不敢澆。造次恐傷黃玉苗，天公心花仍念我夜深。暗雨鳴
蕭蕭，復疑猛洒兼。絲滴拂曉來看，二太息初逢無以效殷勤。
佇待紅燈照瑤席。

胡紫山挽詞二首

一尊淮海話相逢抵掌揚眉四海空落日遠山依舊紫眼前
回首但霜風
召節曾趨供奉許教孤鶴綴鴉鴛鴦不肯尋常出孤鶴
無端自往還
太息何人似此公未輸天下頌中庸何時繫酒平生足萬里
三章一夢通

贈燕協律

洞庭之野有遺音木葉蕭蕭自浦林欽向此中尋節奏天
人遠夜雲深

蒙郎婦

江上山頭望夫石當年顏貌誰曾識行人疑是復疑非
往來緣絕壁何如秦中雷寡妻步携双稚留空闥征夫不
頭雲白旌表在門囊有詩

牟陵陽八十

陵陽先生八十時白鬚紅頰身深衣東風瓜熟有伏臘磻溪
釣直無是非門前載酒欲問字亭角倚杖方尋詩少微政爾
光不夜高士若匪先生誰

題祁提點秋山圖

仙人縮地古今同何處移來水外峯我與白鷗曾有約計憐
相見畫圖中

贈接花孟老

看朱成碧酒闌珊更訪街西白牡丹今日看花人白髮接花
容易接春難

題高彦敬烟嵐圖

西南多連峯東北多大野大野少人耕連峯有人寫寫之始
卧遊誰為識真者獨有房山公癖山如癖馬向宦浙河干收

拾不盈把雲烟何慘澹水木亦蕭洒匪徒妙丹青秀句燕
雅胸中殊磊砢筆底聊復且君看諸可翫何者獨非假削平
藝相梁庶以飽天下

樺陽谷十韻

樺陽谷

天上官班地上行樺陽泉石託幽貞自從再踏蒼龍尾每望
西南眼倍明

養浩堂

不向高堂日擊鮮歸休何以度流年紛紛移體兼移氣獨對
青山養浩然

向日亭

寬閒何地不容光况是親扶日轂長未信城南天尺五每家
亭樹對朝陽

招隱亭

不見朱欄十二千遶簷叢桂相圍但招雲月休招隱虛籟
無心月耐看

貯月溪

水底空明透幾重溪光全似水精宮可應只貯涼蟾在無限
魚蝦亦見容

靜芳池

風裳水佩錦迴環南蕩西湖六月間却是主人心更苦滿衣
秋露曉凭闌

代竹園

遠近蒼雲接水雲北園花許鴈來分當時淇奧青青草千
人言是此君

比德泉

泉將比德，無涯相映相輝。玉絕瑕一尺，自渾千丈潔。丁寧
流塵入淘沙。

鬪榭軒

槐棘春風，日夜新檻前山木老，能神兩賢。豈是真相，厄大樹
將軍此後身。

肄射平

觀德仍觀絕藝，希蟲懸秋髮。射侯微從，今谷口榛中，石夜
須防獵射歸。

孝悌圖

三生石上性長存，死別如何不斷魂。開卷故人還滿眼，此情
今更不堪論。

劉單州棄官赴兄台州之喪

一子有急，一子赴之，不良行，右須駭人心。取會有重輕，所以

劉侯如脫兔，好官尚有兄。則無死，今不死，孤不孤，父思古人
今始見我欲書之寄董孤。

王氏嘉遯齋

東山太傅寧無意，少室遺公自得名。雨露四簷天尺五，未應
嘉遯了平生。

送洪子蘭秦使歸高麗

青禁虛心待上賓，鋒車就遣過庭人。龍城遼東廣寧府日近歸裝
暖，玉署花寒別夢新。洗馬陳情曾有表，乘軺拜慶古無倫。天
東嘉樹知多少，橋梓如今最得春。

寄題韓雲卿漁莊

太行之陽有盤谷，別有漁莊在東麓。基雲匠月二十年，突兀
眼前成此屋。汲中明府昌黎公，平生往哲將無同。愛山未辦
茅一把，且種五柳搖高風。只今盤谷知幾礎，堂構殷勤遵雅

素玉龍擎重棟梁新不數王家老槐樹門前洹水行漁舸
平浦遠無驚濤天開圖書屏周遭秋風頰象春風桃塞
翠輟所操月明舉網登銀刀俯以大白湘溪毛醉看太行首
獨搔長歎欵乃清而豪聲飛于天鶴九臯喚歸羽儀萬仙曹
天閔虎豹不敢嗥太清雲翳無纖毫此時此屋更突兀午橋
花竹中六高

送程君儁李正歸潯陽

五老催歸客天寒道路長殘冬涉易水幾日到潯陽
李見吾宗盛身隨聖道昌未應嗟晚達松菊近柴桑

郝氏世德詩

效漢優三略興周冠九人王功今古在侯服歲時新奮建名
相亞臯堯德有鄰向來忠孝傳彌竟眼前真

申屠大用挽詞

故人為別幾秋風竟尔難尋一笑同表目能尊素季行
都憶避青駝殊亭雪捲詩初換璧社珠移事已空老我只今
看宿草短章那更後諸公

榮歸亭

昌邑淮陰欠此亭繡衣高映鐵衣明至今無限遺榮在玉樹
欣欣遶砌生

王秋澗先生挽詞二首

六藝流名舊諸生屬意深雄文探虎穴妙墨過雞林不朽絲
綸重無端齒髮侵故應持斧日早有挂冠心
解瑟清王度馳環聚老臣江關聲氣合輦路笑言親去住猶
如夢存亡已隔塵獨餘秋澗水頽影一傷神

華隱

御風來往不留塵
空何由染此身我亦平生一丘壑幾時

閑以畫中人

漁翁圖

漁翁牽纜漁婦紡膝上兒看掉車響溪南溪北趁冬晴水急
船多欠新網祝兒休啼手正忙網成得魚如汝長

枯木

野樹無心綠寒鴉作意飛向來回首處疑是復疑非

危橋

危橋那可試獨步更堪驚不見當時畫空懸異日情

樗亭

幸免斧斤厄常驚歲月新少年欺擁腫老子愛輪囷

奉賀國王太傅丞相受封

龍飛天子卷勳勞疊組重珪極袞褒周室同心惟呂及漢家
異姓有張敖天垣斗極曾生辰貴烟閣雲臺地位高千載國傳

舞龍舞好毗湯舜選伊臯

宣和畫馬

夜半房星下九閔渥注龍種入天閑宣和得此渾無用神駿
爭雄粉墨間

五王避暑圖

淮南恩少難為弟有庠天回始念兄得似開元全盛日一樓
華萼友于情

壽劉樗菴八十

名父住兜世所希此身端合享期願掛冠神武聊存我序齒
耆英復讓誰師呂不論千載上相周猶待十年遲新來盛事
人能說文獻公家好本支

寄劉中菴參政二首

不得劉公一紙書酒情詩思近何如太初岩下涼多少亦有

工夫燕坐無

河南父老望車音早有清風慰所臨他日劇談三大息政應聊復試初心

中菴詞附

人至承以二絕句見貺清簡幽深情意都盡披閱

諷詠如接芝宇感慰可勝言哉輒有小詞錄奉

一笑且以寄企嚮之意云劉敏中上

短夢驚回北窓一陣芭蕉雨、聲遠住斜日明高樹起

望行雲送雨前山去山如霧斷虹猶怒直入山深處

送李景山侍郎使安南

北戶之東旭日升容光必照破羣冥防風後至心何在陸賈重來語可聽化洽不聞冬吠雪氣先遙想夜占星交州九郡皆王略他日殷勤話所經

贈杭州開元宮王肩叟法師

星宮浮遊隨所躔上極玄始下九烟出沒無迹合自然誰能居之惟列仙虎林之宮曰開元飛光躡景與時遷我持絳節曾東騫仙人種杏邀我前翱翔接羽遊木天雲庭坐詠太一篇赤明日月如千年方華羽駕初來還黃姑去舍空瓊田超然而止開玄之金堂玉室千萬間玄中正炁迴靈淵洞真神章大帝頒九劫無始環中環溪分素河月流灣至虛生白心甚閒又乘剛風九豹閑我欲從之不能攀青瑤寫簡綠玉編託之胎禽寄飛軒黃庭之師為我言東行何時相後先

李漁母八十詩二首

乳下孤兒已了官眼前銀鹿共盤桓欲知八十年間事雪皎霜寒在鬢端

高門大扁里閭驚孝子慈孫女婦貞別有河東李漁母不曾

旌表衆知名
截髮供賓手斷機從來烈女有佳兒劉家中表熊家李文采
風流定可知

送完顏揔管赴平陽

汾水西南古晉州雙旌五馬漢諸侯庭無坐吏官班重地有
遺民帝化留荆樹春風誇烈士甘棠清蔭羨高秋征驂莫嘆
長安遠回首朝陽是剡丘

送何仲韞平章赴汴省

梁楚冰川大半開懸知鈞軸載春來清都露雨流中士左界
星辰接上台別意漫言書數寄去思終見詔頻催安輿翼
翼鳴珂引夾路人爭拜老萊

題盧君用所藏手卷二首

已未御書小景

流落殘春筆名蹤定可知君王方旰食猶爲一題詩

盧孝士詩卷

渺々浦江遠年々桂樹秋空餘詩卷在天地與長留

寄壽張天師母周七十

雙鶴飛來墮碧牋上清金母慶希年東風和暢先三日南極
逍遙自一天星逐馬蹄催遠使露分仙掌趁初筵從今歲月
吾能測青子蟠桃色正鮮

送岳州馮道錄

夜半黃金比石頭洞中人向玉京遊丹砂欲度三千士月斧
先修十二樓位託星辰須北拱道行江漢與東流相逢紫極
崔先叟爲問秋聲好在否

題扇面

葫蘆纏蔓急菜葉翻花好爲問將雛鳳丹成尔亦仙

踈山雲老半間三首

清住元無所住非空畢竟俱空長老半間何在問他明月清風
三界十方周遍千門萬戶尋常喚取雲歸管業老僧自有禪房
萬嶺松杉密々兩關雲氣深々會見重來矮佛樹生肘上成林

賈牧菴与李仲元詩

世祖攬天下盈庭盡瑰奇聯翩萬國士慷慨皆已知嚴々許
文正扶道應昌期李君此時俱好李何常師駢肩謁萬乘天
光煥倫彝相顧各少壯自許涅不緇別來能幾何歲月忽吾
欺出入三十載嗟君位猶卑但聞德日充足慰心所馳 今
上繼聖明左右豈一獲君方贊南省厚祿我何裨還歸養痾
瘵暫与軒冕辭忽覽故人書恍覩君子儀常恐前脩業易為
後世嗤君獨保厥初進退各有為君如岩上松昭質終不虧
我如道旁馬筋力今已疲許公不可招諸老誰愁遺琅々姚

君篇傾倒無所疑豈獨君所知而亦我所私因風維斯作聊
用豁余思

李中丞所藏畫卷

高人意在飛鴻外使者空餘立馬心可是涼州最知己從今
薤谷更須深

寄壽吳開々二親

東閣真人擁紫鸞來從帝所奉親歡番君舊里開新國吳猛
天仙拜地宮萬里罡風參玉佩百壺宮露輟金盤華堂未覺
秋香晚冰雪相看止耐着

山水圖

擬々短長烟樹鬼々遠近雲岑為待濟川舟楫江邊立到如今

趙克敬耘菴

少老實蓬樞慣田里兩笠風簑親耒耜汗肩龜手前蓬蒿甌窶

汗邪年高祿不應牛角挂書策誤引鶴書招祿仕筆耕紙耕
不堪煮飢啼寒號長蒲耳君侯奕葉卿相家小却鑿坡弄文
史民庸吏績來奏最步玉登金不違咫便當華屋開朱門車
馬駢喧誇世美胡爲宴坐立名字踰我里兮折我杞大篇短
章來羣公說古論今精義理老懷了不辦許事擬買烏犍歸
教子

遊軒

錦鞵金絡玉花驄血汗黃塵赤日中何似茂林脩竹裏陶家
一枕北窓風

畫竹

正米有

雲端蒼翠凌清嶺傲歲寒欲問平安無便鴈眼明

右軍帖

漏痕釵脚悞無神空向墨池尋右軍欲輟平生草玄年為書
一幅弔藤文

李庭訓御史挽詞

天爲斯文地胡然奪此翁士林嗟博洽言路惜公忠儒術今
方貴書生自窮箕裘有傳業積厚報須豐

趙閑人畫松自題詩

詞華推哲匠才大古云難如許明堂具偏宜畫裏看

荅陳玉峯寬紙帳

城南有詩老贈我意綿綿住父家猶客更長坐不眠來尋白
紙帳去敵紫茸氈我愧蘇司業贖欠酒錢

寧山蒼艾圖詩一首

乘陰柳影團團坐瓦鉢甕甕陸續傳名字不須排甲乙相忘
相與作忘年

洛下耆英吾不見香山九老昔曾摹可憐白首明光殿却羨
五陵年少圖

題山水便面

烟水冥迷山遠近高山臨水更清寒畫樓迥倚風前構商舶
遙從海嶠遠雲起亂峯生巧思鳥飛殘照入遐觀生綃盈尺
無窮意誰識經營慘淡間

吏部郎中韓希賢父九十叔八十六

及壯抽身下九天歸來兄弟伏生年古今人為功名老福壽
天於孝義偏松柏相看忘歲晚芝蘭競秀喜階前一踈翻被
黃金恣得似韓家二叟賢

七真山洞雲觀

七真之山白雲裏絳闕神宮半空起初君有志於君成更賜
雄材自天子東臨滄海西崑崙森翠節排天門三更日

射芙蓉色六月石挂冰霜痕山頭髣髴清虛府洞底陰岑太
行路青苔能識六龍車明月長懸萬年樹峯巒澗復氣網緼
瑤草金芝日日新君王自有長生藥端拱無為萬國春

安山朱琰

聞說朱家擅二難安山山下大河干骨無疏戚還高里地有
膏腴築杏壇種德何曾期厚報服田猶恐抱空餐力能掩骼
仍興孝誰信為農却了官

洞明祁真人像

蒼笠簑衣七尺翁掀髯猶似舊相逢只今無路隨青竹自昔
疑君是赤松明月在天元不老精金藏火豈能鎔七真岩谷
長春境唯有浮雲盡日封

舜舉梨花折枝

粉面丹心淺絳襦清明時候古城隅一枝獨背春風老盡日

巡簷撚白鬚

舜舉黃蜀葵

淡黃衫子道家粧
露白風清殿衆芳
只有向陽心尚在
紛紛紅紫任低昂

送王景開長官

楊柳陰陰燕子春
東風萬里動游塵
還將碧澗紅泉夢
又送青原白鷺人
子壯有才須遠器
吾衰無計乞閒身
南歸若見沙鷗伴
莫道遲迴忘卜鄰

庄雲

道人家住祝融尊
潁水蒼蒼不可分
何日相從青壁下
焚香把酒看氤氳

楚國文憲公雪樓程先生文集卷第二十八

